



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-274-4/25**
Datum: **05.09.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica, „PLAMINGO“ d.o.o. Gračanica, za donošenje rješenja o vodnoj dozvoli za ispuštanje tehnoloških otpadnih voda iz pogona sanitarne galanterije i galvanizacije (proizvodnja prevlaka na brizganoj ABS plastici) izgrađene u ulici Branilaca Grada bb, općina Gračanica, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06), i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

R J E Š E N J E **o vodnoj dozvoli**

1. Pravnom licu, „PLAMINGO“ d.o.o. Gračanica, daje se vodna dozvola za ispuštanje tehnoloških otpadnih voda iz pogona sanitarne galanterije i galvanizacije (proizvodnja prevlaka na brizganoj ABS plastici) izgrađene u ulici Branilaca Grada bb, općina Gračanica na zemljištu označenom kao k.č. broj: 5277/2 (n.p.), što odgovara k.č. broj 536/7 (st.p.) K.O. Gračanica.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije, izvršenim uviđajem na objektu, pod slijedećim uslovima:
 - 3.1. Da pravno lice, „PLAMINGO“ d.o.o. Gračanica, obezbijedi da se sistem za prikupljanje, prečišćavanje i ispuštanje tehnoloških otpadnih voda nastalih u procesu proizvodnje sanitarne galanterije i galvanizacije, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Skladištenje hemikalija potrebnih za rad postrojenja vršiti u za tu svrhu izvedenim objektima u skladu sa propisima iz oblasti zaštite okoliša.
 - 3.3. Da se vrši redovna kontrola uskladištenih hemikalija i provode sve aktivnosti u cilju sprječavanja zagađenja površinskih i podzemnih voda uskladištenim materijama.
 - 3.4. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent i prije spajanja sa ostalim vodama na lokaciji, zadovoljio granične vrijednosti emisije definisane u Prilogu 1. tabeli 1.1. kolona 3. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20, 96/20 i 1/24).
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na svim ispuštima u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. i Prilog 2. tabela 2.2. Uredbe o uslovima ispuštanja otpadnih voda u okoliš i sisteme javne kanalizacije. Obavezno vršiti ispitivanja specifičnih parametara u skladu sa predmetnom industrijom. Rezultate analiza dostaviti ovoj Agenciji.
Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj: 14/10, 14/13, 26/14, 23/17 i 41/20).
 - 3.6. Ukoliko Vlada kantona propiše dodatne (strožije) uvjete od uvjeta definisanih Uredbom o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
 - 3.7. Da se obezbijedi kontinuiran rad i nadzor stručnog osoblja na vodnim objektima u skladu sa važećim „Općim aktom o održavanju, korištenju i osmatranju vodnog objekta i postupanju u slučaju kvara“ u skladu sa izmjenama na terenu i stepenu realizacije radova.

- 3.8. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.9. Sadržaj (mulj) iz postrojenja za prečišćavanje otpadnih voda i ostali otpad koji nastaje na predmetnoj lokaciji ne smije se odlagati na česticu «vodno dobro», odnosno u vodotoke i na njegove obale.
- 3.10. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
- 3.11. Osigurati priručna sredstva za brzu intervenciju u slučaju nekontrolisanog istjecanja opasnih supstanci, kako bi se spriječilo moguće onečišćenje voda i tla (piljevina, prikladni apsorbeni, odgovarajuće posude, uređaji za pretakanje i sl.).
- 3.12. Da se redovno vrši evidencija o količinama prikupljenog opasnog i neopasnog otpada i evidencija o zbrinjavanju istog.
4. Na osnovu utvrđenog stepena zagađenja ispuštenih otpadnih voda izraženog preko broja EBS-a, (ispitivanje urađeno od strane ovlaštene laboratorije) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje IV („Službene novine Federacije BiH“, broj 92/07, 46/09, 79/11, 88/12 i 03/16), korisnik je obavezan za utvrđeni broj EBS-a prema rezultatima ispitivanja plaćati posebnu vodnu naknadu za zaštitu voda.
5. U periodu važenja ove dozvole, Korisnik je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvjestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu sa pripadajućim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice „PLAMINGO“ d.o.o. Gračanica, zahtjevom bez broja od 16.06.2025. godine, obratilo se ovoj Agenciji za donošenje rješenja o vodnoj dozvoli za ispuštanje tehnoloških otpadnih voda iz pogona sanitarne galanterije i galvanizacije (proizvodnja prevlaka na brizganoj ABS plastici) izgrađene u ulici Branilaca Grada bb, općina Gračanica na zemljištu označenom kao k.č. broj: 5277/2 (n.p.), što odgovara k.č. broj 536/7 (st.p.) K.O. Gračanica.

U provedenom postupku dostavljena je i pregledana sljedeća dokumentacija:

A. Opšta dokumentacija

- Rješenje o izmjenama podataka upisa u sudski registar broj: 032-0-Reg-20-000182 od 17.02.2020 godine, Općinski sud u Tuzli -ovjereni kopija,
- Ovjereni kopija Uvjerenja o poreskoj registraciji izdatoj od Porezne uprave Kantonalni porezni ured Tuzla od 25.12.2002. godine,
- Uplatnica za upravnu taksu u iznosu od 70,00 KM,
- Obavještenje o razvrstavanju poslovnog subjekta prema kvalifikaciji djelatnosti broj: 07-32.5-41908/17 od 31.03.2017 godine od strane Službe za statistiku za područje Tuzlanskog kantona, Tuzla,
- Punomoć za Imamović Mizu iz Tuzle,
- Rješenje o odobrenju za građenje broj: 06-23-000760-2003-RM od 05.06.2003. godine, izdato od strane Služba za prostorno uređenje, stambeno-komunalne, geodetske i imovinsko-pravne poslove općina Gračanica- ovjereni kopija,
- Rješenje o odobrenju za upotrebu broj: 06-23-3915/03 od 29.12.2003. godina izdato od strane Služba za prostorno uređenje, stambeno-komunalne, geodetske i imovinsko-pravne poslove općina Gračanica - ovjereni kopija,
- Rješenje o vodnoj dozvoli broj UP-I/25-3-40-138-4/20 od 15.06.2020. godine, izdato od strane „Agencije za vodno područje rijeke Save“ Sarajevo,
- Rješenje o vodnoj dozvoli broj: 04/2-13-21-1900/25 od 26.02.2025 godine izdato od Ministarstva poljoprivrede, šumarstva i vodoprivrede Tuzlanskog kantona
- Rješenje o okolinskoj dozvoli broj: 12/1-19-12726/20 od 10.07.2020 godine izdato od Ministarstva prostornog uređenja i zaštite okolice Tuzlanskog kantona,
- Ugovor o sakupljanju, skladištenju i zbrinjavanju opasnog/neopasnog otpada broj: 45/25 od 21.07.2025 godine sklopljen sa ovlaštenom firmom „GALVANORM“ d.o.o Donje Polje 42 Konjic,
- Transportni listovi o zbrinjavanju muljeva i filterskog kolača broj: 231-04/23 od 22.02 2023 godine, 296-04/24 od 12.03 2024 godine i broj: 202-04/25 od 17.02.2025 godine od strane „KEMEKO-BH“ d.o.o. Lukavac,
- Obavijest o okolinskoj dozvoli broj: 12/1-19-012726/25 od 07.04.2025 godine izdata od strane Ministarstva prostornog uređenja i zaštite okolice Tuzlanskog kantona
- Pripravnost i reagovanje u slučaju opasnosti urađen od „PLAMINGO“ d.o.o. Gračanica,
- Izveštaj o monitoringu kvaliteta i kvantiteta otpadnih voda „PLAMINGO“ d.o.o. Gračanica, februar 2025 godine, maj 2025 godine, urađen od strane „TQM d.o.o. Lukavac

B. Tehnička dokumentacija

- Glavni projekat postrojenja za prečišćavanje otpadnih voda „PLAMINGO“ d.o.o. Gračanica, urađen od strane „Projektni Konstrukter“ d.o.o. Gračanica, maj 2003 godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-274-2/25 od 22.08.2025. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija tvornice sanitarne galanterije i galvanizacije (proizvodnja prevlaka na brizganoj ABS plastici) nalazi se u ulici Branilaca Grada bb, općina Gračanica.

Kompleks predmetne tvornice čine cjeline i to: pogon galvanizacije plastike, pogon pripreme vode, pogon obrade tehnološke otpadne vode, skladišni prostor i bunar.

Na predmetnoj lokaciji se nalazi proizvodni pogon galvanizacije, skladišta repromaterijala i sirovina i prateći objekti postrojenje za tretman tehnoloških otpadnih voda, skladište hemikalija i dr.

Proces galvanizacije (nanošenja zaštitnih prevlaka na ABS plastici se odvija u sljedećim fazama: izrada alata, kontrola i postavljanje komada na alate, prolazak komada kroz hemijski i elektrohemijski proces galvanizacije, kontrola i skidanje komada sa alata.

Postupak galvanizacije se odvija u kadama čije su zapremine kao i namjena za svaku pojedinačno dati u prilogu koji se nalazi u spisu.

Uređaj za prečišćavanje otpadnih voda se sastoji od:

-kužne naprave sa jonskim izmjenjivačima za ispirne vode predobrade i kroma opremljene sa sabirnikom kružne vode sa pumpom, nivometrom, dovodom vode, filterom sa aktivnim ugljenom, dvije kolone sa kationskom smolom i dvije kolone sa anionskom smolom,

-kužne naprave sa jonskim izmjenjivačima za ispirne vode kompleksanata opremljene sa sabirnikom kružne vode sa pumpom, nivometrom, dovodom vode, filterom sa aktivnim ugljenom, kationske kolone i anionske kolone,

-kužne naprave sa jonskim izmjenjivačima za Ni ispirne vode predobrade i kroma opremljene sa sabirnikom kružne vode sa pumpom, nivometrom, dovodom vode, patronskim filterom, kationske kolone i anionske kolone,

-dozirnih posuda za natrijevu lužinu, solnu kiselinu i natrijev bisulfat opremljenim sa nivometrom i dozirnom pumpom,

- posude za pripremu FeSO₄, posude za pripremu vapnenog mlijeka, sabirnika kromatnih koncentrata, sabirnika Ni koncentrata, kade šaržne obrade hromata, sabirnika koncentrata kompleksanata Ni, sabirnika kompleksanata, kade šaržne obrade kompleksanata, filter prese, naprave za selektivno čišćenje, kade za konačnu neutralizaciju dozirnih posuda solne kiseline i natrijeve lužine, konačne kontrole pH.

Snabdijevanje vodom tvornice sanitarne galanterije i galvanizacije je sa gradskog vodovodnog sistema kojim upravlja JP „Vodovod i kanalizacija“ Gračanica.

Bunar na predmetnoj lokaciji se ne koristi.

Tehnološke otpadne vode iz proizvodnje nastaju u procesu galvanizacije plastike i to u kadama gdje se vrši ispiranje proizvoda posle postupaka nagrizanja, hemijskog niklovanja, bakrenja, elektrohemijskog niklovanja i elektrohemijskog hromiranja te kod regeneracije jonoizmjenjivačkih smola. Ove vode su u značajnim količinama opterećene suspendovanim materijama, teškim metalima (Cr, Cu, Ni, Sn, Fe) i kiselinama.

Tehnološke otpadne vode iz proizvodnje se odvođe na postrojenje za prečišćavanje sa kompleksnim procesom prečišćavanja i recirkulacijom velike količine prečišćene otpadne vode.

Prečišćene otpadne vode se ispuštaju u kolektor gradske kanalizacije koji se izliva u rijeku Sokolušu, a potom u rijeku Spreču.

Skladište hemikalija koje se koriste u procesu proizvodnje je na lokaciji gdje se nalazi upravna zgrada (preko puta predmetnog objekta). Skladištenje sirovina i hemikalija se vrši na propisan način bez mogućnosti dospijevanja istih u podzemne i površinske vode.

Kruta faza (galvanski mulj) sa filter presa se privremeno skladišti u „JAMBO“ vrećama, a konačno zbrinjava od strane ovlaštene firme „GALVANORM“ d.o.o Donje Polje, Konjic.

Podnosilac zahtjeva vrši redovan monitoring kvaliteta i kvantiteta otpadnih voda od strane ovlaštene laboratorije te vrši održavanje sistema za prikupljanje, tretman i ispuštanje otpadnih voda i ispunjava i druge obaveze.

Izveštaj rezultata ispitivanja kvaliteta tehnoloških otpadnih voda, februar 2025. godine maj 2025 godine, urađen od strane „TQM d.o.o. Lukavac za otpadne voda „PLAMINGO“ d.o.o. Gračanica, ukazuju da parametri kvaliteta otpadnih voda su u skladu sa graničnim vrijednostima definisanim Uredbom o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i 15. Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva, „PLAMINGO“ d.o.o. Gračanica, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnositelj zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Ahmedić Behija dipl.inž.tehn.

Po ovlaštenju
Rukovodilac Sektora
za izdavanje vodnih akata



Nihad Pežo dipl.inž.grad.

Dostaviti:

- „PLAMINGO“ d.o.o. Gračanica, Branilaca Grada bb, Gračanica (Prilog-Tehnička dokumentacija navedena pod tačkom B obrazloženja Rješenja)
- ⊖ AVP Sava, ISV – Vodna knjiga
 - Sektor 50
 - Sektor 40, arhiva
 - Oglasna tabla AVP-Sava